



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2007. GODINU HRVATSKE NARODNE ZAJEDNICE

Broj: 03-07-6-3411/08
Sarajevo, 20.03.2009. godine

SADRŽAJ

MIŠLJENJE REVIZORA	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE	5
Predmet revizije	5
Cilj revizije	5
Obim revizije	5
4. PRETHODNE REVIZIJE	5
5. NALAZI I PREPORUKE.....	5
5.1. NALAZI	5
5.2. P R E P O R U K E	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskih izvještaja **Hrvatske narodne zajednice** za 2007. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Hrvatska narodna zajednice u izvještajnom periodu nije postupila u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Hrvatska narodna zajednica u 2007. godini postupala u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja **Hrvatske narodne zajednice** za 2007. godinu.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska narodna zajednica je iskazala prihode u iznosu od 62.580,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	180,00	0,29 %
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	62.400,00	99,71 %
	Ukupni prihodi:	62.580,00	100,00%

U godišnjem finansijskom izvještaju Hrvatska narodna zajednica je iskazala ukupne rashode u iznosu 76.074,38 KM¹.

2. PREDSTAVLJANJE POLITIČKE STRANKE

Naziv političke stranke: Hrvatska narodna zajednica. Skraćeni naziv je HNZ.

Hrvatska narodna zajednica je registrovana 05.09.1998. godine kod Kantonalnog suda u Sarajevu pod brojem RI-6/989.

Sjedište političke stranke je u Sarajevu, Ul. Titova 9a.

Za zastupanje stranke ovlašten je Prof.dr. Milenko Brkić, predsjednik stranke.

Osoba ovlaštena za podnošenje finansijskih izvještaja za 2007. godinu je Ivana Habenšus.

¹ Podaci su preuzeti iz ispravljenog godišnjeg finansijskog izvještaja za 2007. godinu nakon što je stranka u skladu sa odredbama člana 13. stav (3) Zakona o finansiranju političkih stranaka dobrovoljno otklonila nedostatke u izvještaju koji su uočeni tokom revizije u prostorijama stranke 27. i 28. 11. 2008. godine, a bilo ih je moguće otkloniti.

Organizacionu strukturu HNZ-a čine:

- HNZ Središnjica Sarajevo,
- 3 Kantonalna odbora
- 3 Gradska odbora
- 2 Opštinska odbora i
- HNZ Mladež

3. OPIS REVIZIJE

Predmet revizije je godišnji finansijski izvještaj Hrvatske narodne zajednice za 2007. godinu i to sljedećih organizacionih dijelova:

- HNZ Središnjica Sarajevo,
- Kantonalni odbor Hercegovačko-Neretvanskog kantona Mostar,
- Kantonalni odbor Zeničko-Dobojskog kantona Zenica² i
- Gradski odbor Banja Luka

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je HNZ u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja HNZ obuhvata kontrolu i provođenje analitičkih procedura radi utvrđivanje usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, prihode od imovine.

4. PRETHODNE REVIZIJE

U prethodnom periodu izvršen je pregled godišnjeg finansijskog izvještaja HNZ za 2005. i 2006. godinu pri čemu nije utvrđeno ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Revizijom godišnjeg finansijskog izvještaja utvrđeno je da je Hrvatska narodna zajednica prekršila odredbe člana 8. stav (1) Zakona o finansiranju političkih stranaka.**³

² Prema navodima stranke u toku obavljanja revizije, a što je stranka potvrdila i pisanim aktom broj 64/08 od 05.12.2008. godine Kantonalni odbor Zeničko-Dobojskog kantona Zenica nije djelovao tokom 2007. godine, nije ostvarivao prihode niti je imao transakcije putem računa koji je otvoren za potrebe ove kantonalne organizacije, te za 2007. godinu nema nikakve finansijske dokumentacije koja bi mogla biti predmetom revizije. U istom aktu je navedeno da je Kantonalni odbor Zeničko-Dobojskog kantona Zenica ponovo aktiviran i da će biti obuhvaćen narednim finansijskim izvještajima.

³ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

- Kantonalni odbor HNZ Zapadnohercegovačkog kantona Ljubuški je bez plaćanja zakupnine, suprotno odredbama člana 8. stav (1) Zakona, koristilo poslovne prostorije u vlasništvu Općine Ljubuški.

b) Hrvatska narodna zajednica nije ispoštovala odredbe člana 11. stav (1) i stav (3) Zakona o finansiranju političkih stranaka⁴.

- Stranka je u finansijskom izvještaju u okviru režijsko-administrativnih troškova iskazala ostale rashode u iznosu od 2.000,00 KM. Revizijom je utvrđeno da je navedeni trošak povrat dijela zajma koji je stranka 09.02.2001. godine u iznosu od 10.000,00 KM primila od fizičkog lica.
- Suprotno odredbama člana 23. Pravilnika o godišnjim finansijskim izvještajima političkih stranaka⁵ nije iskazala obaveze po osnovu zajma od fizičkog lica koje su na dan 31.12.2007. godine iznosile 8.000,00 KM.
- Kontrolom blagajničkog izvještaja Kantonalnog odbora HNZ Hercegovačko-Nertvanskog kantona Mostar, utvrđen je negativan saldo novca u blagajni na dan 31.12.2007. godine⁶.

5.2. PREPORUKE

Preporučuje se Hrvatskoj narodnoj zajednici da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama člana 8. stav (1) i člana 11. stav (1) i (3) Zakona o finansiranju političkih stranaka i to:*
 - *da se ne finansira priložima koji su zabranjeni ovim Zakonom,*
 - *da vodi tačne i precizne evidencije o svojim rashodima i*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka*
- *Stranka treba unaprijediti upravljanje gotovinom putem blagajne, uspostaviti kontrolu ispravnosti računa po osnovu kojih stranka vrši gotovinske isplate i ustrojiti vođenje blagajničkih izvještaja na dnevnom nivou.⁷*

⁴ U skladu sa odredbama člana 11. stav (1) Zakona o finansiranju političkih stranaka, politička stranka je obavezna voditi evidenciju o svojim prihodima i rashodima, a u skladu sa odredbama člana 11. stav (3) Zakona o finansiranju političkih stranaka podnositi finansijski izvještaj u formi koju odobri Centralna izborna komisija. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

⁵ U obrazac 5 finansijskog izvještaja unose se podaci o ukupnim obavezama po kreditima i pozajmicama (naziv davaoca kredita ili pozajmice, iznos, datum realizacije, visina rate i rok vraćanja) i obaveze po dugovanjima (naziv povjerioca, iznos duga, datum nastanka duga, visina rate i rok vraćanja duga).

⁶ Iako je negativan saldo novca u blagajni iskazan u iznosu od -2,49 KM, to ukazuje na činjenicu da stranka ne vodi ispravne i tačne evidenciju o novčanim sredstvima primljenim u blagajnu i sredstvima isplaćenim iz blagajne.

⁷ Uvidom u dokumentaciju, utvrđeno je da se dnevnicu blagajne vode na mjesečnom nivou. Računi na osnovu kojih je Gradski odbor HNZ Banja Luka gotovinski isplaćivao sredstva za zakupninu Čajavec Kompani a.d. Banja Luka ne sadrže zakonom propisane elemente računa.

Hrvatska narodna zajednica se nije očitovala na nalaze revizije i mišljenje revizora dato u preliminarnom izvještaju o reviziji godišnjeg finansijskog izvještaja za 2007. godinu koji joj je dostavljen 04.02.2009. godine.

Zahvaljujemo se osoblju Hrvatske narodne zajednice na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, Šef Službe za reviziju, revizor

Veliborka Kravljača, pomoćnik revizora